

Fastnacht 1923

PAUKE - SEPPI CLIQUE

=====
Comité Schnitzelbank

1. E Schnitzelbank ich singe will
Doch bitti sind si e bitzli still,
Was in der letschte Zit passiert
Das wird ene jetzt vor Auge g'fiehrt!
2. Jn Doorn der Willi grischtet hett
E nei zweischlefrig Himmelbett
Die Pfumsle isch em ko grad gläge
Jetz ka ze zweit er wieder säge!
3. Der Suter Hermi hetts ändlig gschmeckt
Dass ihm si scheene Türk verre...
Und d'Litertafel isch blamiert
Will er am Narreseil si ummefiehrt!
4. Fir was hänn mir dä Völkerbund
Die triibe jo der greeschti Schund
Wenn's uf mi akämt wär's gli verbei
s'Domizil wär d'Wasemeischtere!
5. Wotsch der s'Läbe näh ime noble Rahme
Hock nur uf die franzesische Jsebahne
s'Goht schneller als mit Dolch und Gift
Fahrsch mit däm Halleluja - Lift!
6. D'Franzose hänn jtz eignu Kohle
De Schwobe hänn si d'Ruhr halt g'schtohle,
Der Dütsch dä hätt jo s'greescht Wergniege
Wenn si zue der Ruhr no der Sch...r kriege!
7. E Jungbursch sott als Richter ko
Wär hett scho sone Quatsch verno
Das Frässe wär fir die jo g'funde
Wenn Grichtsitzig wär im Zuchthus unde!
8. Jm Grosse Rot der Hugo lacht
Will er no Näbegschäftli macht
E par Fünfliber hett er z'guet
Nur dass er d'Schnörre halte duet!
9. O Bundesrot mit dine Zone
Wie mängmol losch du di no flohne
Kei Kind hett me vor ~~ete~~ ihm Reschpächt
Will er jedem Knot am Hinder läckt!
10. Bi der Rhifrog isch's der gliichi Fall
Versegglet wiörsch halt iberall
Will bi Diplomate-Frässe
Isch s'Schwizerländli gli vergässe!
11. Drum Schwiz de wärsch halt besser dra
De ligtisch z'hinderscht in Afrika
Die Bärner Dickköpf liesst me gräse
Und miecht ene no e Ring durch d'Nase!

=====